

Рабиуль-авваль барз

Декабрьданул 12-ний байбихь-лахъиссар Мухаммад Идавс дунияллий ляхъусса хлурмат лавайсса рабиуль-авваль барз. Мубараксса Къуръандалул аятрайн

бувну, Аллагънал Мухаммад Идавс гъан увссар щалла дунияллий ляхъусса хлурмат лавайсса рабиуль-авваль барз. Мунияту жувагу щукрулий биклан аьркинссару Аллагъу Тааьланал

Цала Хабибнал хъирив бачин бувну тий. Идавсил увкуссар: «Къиямасса къини гъарма ацантиссар цанма ххирану бивкминнал чларав» – куну.

Мухаммад Идавс дунияллий ляхъаву хъанхъиссар жула цинявннал хъуннасса ххаришивуну ва жуннасса дазу-зума дакъасса хъиншивуну. Жува цуксса хларачат буларчагу, му хъиншиву-хъинбалларахлу Аллагъу Тааьланайн лайкъсса щукру бан къашайссар. Мукун бухъурчагу, жува Заннайн щукрулий-миннавух ва Хабибуллагънан бюхъайс-

са хлурмат бувайминнавух бикланшиврул, жува ва барз Идавсин хас бувну, мавлудру дуллай гъан бувну хъинссар. Аллагъу Тааьланал цала Хабиб увсса къини мусульманнал ххаришиву дайсса къинину дурссар. Мухаммад Идавс увссар рабиуль-авваль зурул 12-ку хъхъуну, къюрххил чаклил чун дучавайсса чумал.

Му чумал дурсса дуаь цамур чумал дурмурнир анаварну Аллагънал къамул дайссар тий бур.

Маккалал шайх Мухаммад ибн-Аляви аль-Маликинахъ цлукхуну бивкун бур: «Циванни жула Идавс рабиуль-авваль зуруй увсса, мубараксса раджаб, шаъбан, рамазан зуруй къаувну?» Шайхнал увкуну бур: «Мухаммад Хабибуллагъ мий зурдардий увссания, инсантуран хханссия Аллагънал гай зурдардийну Идавс хъун увсса. Мунияту Аллагънал нясив бурвсар Идавс рабиуль-авваль зуруй уваншиврул, мунийну ва барз хъун буваншиврул». Аллагънал жула Идавс хъинну хъун увссар, хлатта, мусульманчувнал цала арснан ца Мухаммад дизарча, арс увххукун, ппу лавай изаву хъинссар тийгума бур.

Идавсил увкуссар: «На гъан увссара инсантурал хасиятру ххуй дуваншиврул» – куну. Аллагънал Илчинал хасият-мяърипатрачлан гъан булланнав жувагу Аллагъу Тааьланал. Ва хлурмат лавайсса зуруй гъарца мусульманчувнал дакъиниву Идавс ляхъавриятусса ххаришивугу, мунахсса дакъинихтунусса ччавугу цаъкъ хъуннав! Ва барз цинявппа мусульманнан бавкъусса, барачатсса хъуннав, ванил хлурматрахлуну жува Аллагъу Тааьланал циняв фитна-балардаща буруччиннав.Амин.

АС-САЛАМ ККАЗИТРАЛ РЕДАКЦИЯ

Ва номерданий

«Гъунчлукъатлан» цлунил
буккан бувунни



ЛАЖ. 2

Цуссалакрал шяравусса
мадраса




ЛАЖ. 6

Лухи явш



ЛАЖ. 7



РАБИУЛЬ-АВВАЛЬ

Ххаришиврул мажлис

Мавлудраясса чивисса бусала

Аьрабрая лакку мазрайн буцирчан «Мавлид» – «ниттил оьрчи баву» тлисса махъ хъанай бур. Жулла дин-исламраву «Мавлуд» учай, жула ххи-расса Мухаммад хабибуллагъ ниттил увну, хъуна хъанай, мунал оьрмулуву хъанай бивксса ширу бусласисса шърилийн, мув шъри ккалай бавтлсса мажлисрайнгу.

Жула Хабибуллагънайн, Аллагъу Тааьланаяту идавшиву лирккун махъ, ганиннин аьрабнал дянив дирксса члйрусса аьдатру даххана дурссар. Царай, заралмий дацлан дурссар (цавай буттахъал цала душру мюрщину буна буччайсса бивкун бур, ай ми душру хъуни хъувкун, миннал ялув цивппа къюкъалларалун къабанган тий. Чяхирду хлачлай бихълахъисса къудурсса мажлисру, хъаннил цала арцу мусил чюлушиннарду,

мяш тий, къатлук ларххун заназаву, ва м.ц.) Царай аьдатру дакъин дурну, ххуймур журалийн дурцуссар: хлаж баву, закят-садакъа баву, хъуниминнащал адаб-хлурмат бур-руччаву, пасихлсса шърирду чивчуну, инсантуврал дянив буклакаву ва м.ц. Царай тлурча, ганиннин къадиркун, яла ялун лирчуссар. Мигу эбадатрал багъу бизурдур: чак баву, хаснува жамааьтрай, цаннал Къуръан ккалай махънал вичли дишаву, цацлун бавтлун зикри бихълахъаву ва м.ц. Минну-щал архлал Расулллагънал чулу-хунмайсса асхлатурал мюттий шаву, увкумур баву ляличийнура даххана хъуссар, я ганиннин, я га чумал, я гания махъ щичалкуй къабивксса куццуй! Идавсил чулухунмайсса асхлатурал дак марцлну буругаврил барашиннарду хъинну члйруссар Идавсил дуллалисса ххуй чулу-хуннайсса дахханашивуртту тлааьн къадизлай, дукъарчлай дуну, мунайн къарши буклан бивкссар,

цала гъанчувная тлайла хъуну, члйвумий Маккалал агълу. Члйрусса ккаккан бувссар дин-исламрайн ттигу къабувксса къурайштурал Идавсин биклу, танал гьалмахтал асхлатурал биклу. Ахиргу, зулмурду гъарза хъувкун, Идавсил амрулийн бувну, мусульмантал цала ватан, Маккагу къабивтун, бивзссар Мадиалийн. Цинявналагу хъирив цува Хабибуллагъу ивзссар Мади-налив. Идавс Шагърулуцлан гъан хъушиву клулхъуншиврул, Мади-наллал агъулану къараллу бивтун бивкссар, шагърулул зума къирагъ-рай, багъайкун хлурматрай хъуна акъиншиврул. Гъан хъусса бавувкун, арамтал хъхъичи бавцлуну, хъами хъирив бавцлуну ххаллилсса шъри ккалай хъуна авкъуссар. **Ашракъал бадру аьлайна Мин санаитиль вадааь Вазжаба щукру аьлайна Ма дааь лиллагъиль дааь.** Таржума: **Бувцл зурул чани тти жуйнма щунни**

Килчинмур даралул чулуха бувккун, Тти жуйва бурж хъунни,

щукрулий бацлан Аллагънайн лабизлан оьвчинма уну.

Хъуна акъин бувкмий циняв бивкссар Расулллагъ къатрай цацлава ацанссар тий, гъарцама ивкссар цацлана оьвтлий, ца Абу Аюб Аль Ансари личланнин. Му ивкссар щичла ацарчагу ттучлава къаацанссар тий цахъва цува. Ваначла ацланна увкуну цаннахъ, тайминнан къаччан къабикланшиврул, Идавсил цала варианттул хъхъури къашлихун руртун цуппа ита бавкъуссар, чув бацлайрив ккаккан. Мугу Абу Аюблун хъулук щябивкссар. Муначла агу авцуссар. Мадиаливсса ансартурал хъуна авкъуну, къатлучла ликканнингу, ххулийхсса къатраватугу ххаллилсса шърирду ккалай, ххуй ххуйсса мукъурттичалсса ба-лайрду тий бивкссар.

ЛАЖ. 4

«Гьунчлукъатлан» цлунил буккан бувунни

Ххирасса уссурвал ва ссурвал. Лакрал миллатраву диндалул луттирдава яла машгьурмур хъанай бур «Насихлатуль-Аввам» тласса лу. Лакрал миллатраву ва лу машгьурну бур «Гьунчлукъатлан» тласса цланийну. Лу чивчуну бур Лакрал райондалийсса Гьунчлукъатлал шараватусса Ибрагимлул арснал, Кьурбан-Алил ва мунал хъунама арснал Нурул-Исламлул (рахлугьумаллагь).



Ибрагимлул арс Кьурбан-Али


Кьурбан-Алил оьрмулия чявусса затру клулу бакъар. Алимчу увну ур Гьунчлукъатлул, уздантурал, тархъантурал тухумраятусса Ссунгьурхъал Ибрагимлул кулпатраву. Увсса члун хъанай дур 19-мур ттуршуку шин. Мийжанну цумур шинал увсарив клулу бакъар. Мунал элму дуккаву дайдирихуну дур Гьунчлукъатлал хъун мизитраву мутааблимну. Яла гихуннайсса дуккаву чув, щичла дурссарив клулу бакъар. Клулу бур Бухаралил, Самаркандлил, Къазаннай цалва маэшатту буллай, элмугу лахълай ивкшиву. Шамилва хлажгу бувссар тий бур. Оьрмулул ахирданий Гьунчлукъатлул къадийшиврий ивтун ивклул ур. Цяту шалва жамятту рязийну бивклул бур. Ванал шалва оьрму гъан бувну бур диндалул элмурду лахълай, му элму халкъуннаву ппив дуллай. Кьурбан-Алил ва дуняллия лавгун ур 1324-ку шинал (1906-ку шин) рабиуль-авваль зуруй. Увчуну ур Гьунчлукъатлул ялувмур хлатталлил. Мунал диркун дур Аьйшат тласса шарсса, Нуруль-Ислам, Хладис, Ибрагим-Халил тласса шама арс ва мукъва душ:

Нур-нарижат, Бадрижат, вайми клива душнил царду клулу дакъар. Ва лу чичаврил савав хъуну дур диндалул аслу-гъану бавтлсса, бясру кьукьин бувансса, Кьурбандалул аятрайн, Мухаммад Идавсил хладисирттайн чул бившусса, имам Шафинал (рахлимагьуллагь) мазгъабрайсса Имандалул, Исламрал масалартту бусласисса лу дуняллийн итабакьин. Хъунмасса захимат бивхуну бур Дагъусттаннайсса алимтурашал хъуна акълай, Бухаралил, Самаркандлил, Къазаннай усса чумал гиккусса алимтурашал хъуна акълай, луттирансса аьркинмур батлай. Хлажлив усса чумал имам Гъазалийнал (рахлимагьуллагь) «Ихляъ оьлуму-д-дин» тласса лу, цайми имамтурал, алимтурал агъамсса луттирду хъуна бавкуну, мий цинявннуяту ца лу батлай авчуну ур. Луттиран цагу «Насихлатуль-Аввам» дирзуну дур. Лакку мазрайн таржума буварча «Аввамтурансса, диндалул элму дакъаминнансса насихлат» тлассар. Ва луттираву бур гьарзатрая бувсуну. Лу бур клива бутлуя хъуну.

Цалчинмур бутлуву бувсуну бур Имандалул масалартту – Аллагь цурич, Мунал сифатру, малаиктал, луттирду, Идавстал, Къиямасса кьини, Къадар цирив; Исламрал масалартту – шагъадатрая, мунил чирирду, хъиншивуртту, чаклин иссаву, чак буваву, чаклил журарду, зума дугъаву, закят буккаврил масалартту, хлажлив масалартту. Миннул хъирив бувсуну бур Кьурбан буккаврия, сурардал ххирашивруя, тарикъатрал ххирашивруя, тарикъатрал усттазуря, зикриллул, салаватрал ххирашиву, хъиншиву. Хъирив чявумий халкъ баякуну личлаврияту, гъазаватрая, гъижра баврия. Килчинмур

1327-28-ку шиннардий гъижралийн бувну (1910-11-ку шинну) Шурагьсса Чухърал Мухаммад-Мирза Мавраевлул типографиялий. Ва лу чичлачисса клул хъуну лаккуйсса халкъуннан, лу ита бакьиннинма цанмасса луттирду тлалав буллай бучлайсса бивкун бур. Ва бивкуну махъгу ванивусса затру лавсуну, цайми Дагъусттаннал миллатиртал мазурдин таржума бувну, мий мазурдий луттирду ита бавкуну бивкссар тийгу бур.

«Гьунчлукъатлан» луттирду цанасса заманнай чявусса ливчлун бакъар. Чявуми Совет хлукуматрал заманнай ччувчуну, бакъа-къатла хъуну бур, цайми диндалул луттирду кун-



Кьурбан-Алил гъав



Нурул-Исламлул ва мунал кулпатрал гъаврду

бутлуву жулва оьрмулувусса багъу-бизу бачин баврия бувсуну бур. Масалларан: дуки-хлация дуккаврия, янна лаххаврия, ниттибуттал ва оьрчал дянивсса арарду, лас-шарнил дянивсса арарду, бивклу-букку буччаву, магъар бившаву ва м.ц.

1324-ку шинал (1906-ку шинал) Кьурбан-Али Ахиратлухъхъун лавгун ур. Му бивклу багъана хъуну мунаца лу кьуртал буван къавхъуну, мунал хъунама арснал – Нурул-Исламлул кьуртал бувну бур. Нуруль-Исламгу элму дурккусса инсан ивклул ур. Мунал мукунма ялагу чивчуну бур «Шифау-д-дин» тласса, лакрал миллатраву машгьур хъусса лу. Нуруль-Ислам ва дуняллия лавгун ур 1942-ку шинал баргъ лачлаврил азар (малярия) дирну. Увчуну ур Гьунчлукъатлул «Насихлатуль-Аввам» бившуну бур

ма. Хлакьинусса кьини жунма ххарисса иш бур лакрал миллатрал яла агьммур диндалул лу цлунил ита бавкуну бушиву. Лу буккан бувну бур Махлачкъалалилвоксалданул чларавсса Сайфуллагь-Къадиал цланийсса мизитравусса типографиялий. Лу машан ласун ччисса инсаннал оьвчара ва телефонналул номерданин: 8-989-670-51-15.

Ибрагимлул арс Кьурбан-Алил, мунал арснал Нурул-Исламлул, мий кунмасса цаймигу жунма клулсса бивклу, къаклулсса бивклу лакрал, Дагъусттаннал, шалвагу мусульманнал умматрал алимтурал даража Аллагьнал бюхтул буваннав. Миннал баракат жуятува яла къагъаннав. Минная дирсса элму лахълансса каши, тавпикъ жухъхъуннагу дулуннав. Амин!

МУХАММАДХАЖИ УВАЙСОВ

Учредитель

Благотворительный фонд «Путь». Газета печатается по согласованию и одобрению Муфтията Республики Дагестан

Редакционный совет

Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор
Азиз МИЧИГИШЕВ

Редактор

Шамиль ОМАРИЕВ

Заместитель редактора

Иса ОМАРОВ

Канонический редактор

Давуд-хаджи ТУМАЛАЕВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
ПИ № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 3 300 экз.

Сдано в печать 30 ноября 2015 г. в 17:00

Индекс 51388

Адрес редакции

367015, РД, г. Махачкала, проспект Акушинского, 5-я линия, 19. Телефон редакции: 8-928-530-59-70.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru
www.assalam.ru

Мавлуд ссайн учайссар?

Мавлуд учайссар Аллагу Тааьланал Мухаммад Идавсил ﷺ дуллусса хасшивурттая, оьрмулия бусан, Идавс ﷺ хьун уван, Аллагнал ﷺ жува Мусульманнал умматрава бунутий ххаришиву дуван бавтисса мажлисрайн. Идавсил ﷺ асхлатуралгу мукунма бавтун Идавсия ﷺ бус-

лай, Идавс ﷺ хьун уллай бивкиссар. Мухаммад Идавс ﷺ Маккалия Мадиалив ивзсса чумал, Мадиаливсса ансартурал га хьуна авкьуссар мавлуд дурккуну. Мухаммад Идавс ﷺ увсса зуруй чярусса мавлудру дурккуну хьинссар. Жулла динналийн буну му барачатсса, чир-

бусса даври. Мавлудрай Мухаммад Идавсил ﷺ оьрмулия бусайссар, тавбу-истигьфар дувайссар, Кьурьан буккайссар, зикри бувайссар, салават дуккайссар. Мавлудру дуклакисса мажлисру бувавил мюнпатрая чявусса хьунисса аьлимтурал луттирдаву бувсун бур.

Мавлудрал адабру

- Мавлудрайн наниманал марцисса нийят диклан аьркинссар динналул мажлисрайн лавгун Мухаммад Идавсил ﷺ оьрмулия килу бунан, салават дуккин, зикри бишин, Кьурьан буккин, эбадат дуван. Дукра дукансса, аьляхьансса мурадрай учирча, пайда бакьассар.
- Мавлудрайн лагайссар чаклин ивссуну, марцисса янна ларххун, тлаансса кьанкь дурну.
- Мавлуд дуклакисса чумал дуняллул захиматшивурттая пикри кьабуллан хларачат буну хьинссар.
- Мавлудраву бусласимуних хьинну хисав ларсун вичи дишин аьркинссар.
- Хьами ва арамантал ца кьатлуву щябиклан кьабучиссар.
- Хьами шариаьтрайн буну ларххун, барткару ва лажин личаннин щалва чурх бахьлавгун биклан аьркинссар. Акьаьурча, барачат кьабикантиссар, хлатта мукунсса хьами бунагравун дагьлагьиссар.



- Мавлудрал хладуршинна цала кашилух бурвгун дуван аьркинссар (дукра даву, садакьа бачаву). Чара бакьа кьуцуртту бачин аьркиншиву дакьассар.
- Мавлуд дуккин яла хьинмур чун – Мухаммад Идавс ﷺ увсса барз ва кьини дунугу, цамур чумал дуккин кьабучисса ххай биклан кьабучиссар, мудангу дурну хьинссар.
- Мавлуд дуккирча инсаннал ялвусса фаризартту: чак, зума ва м.ц. яла гьан кьадайссар. Так ца мавлудрайну гьашиву дуван кьабучиссар.
- Инсантурал аьй кьадуваншиврул, ккаккялун мавлуд дуллан кьабучиссар.
- Мавлуд дуккинсса чун дурчин аьркинссар чаклил чумухун кьадахчинсса куцуй.
- Мавлуд кьива-шанма мазрай дуккин бучиссар, масьала, аьраб мазрай ва лакку мазрай, амма бувчинсса мазрай дурккунмур хьинссар тий бур.
- Мавлуд макьандалий кьадурккуну, укунма бусала, хавар кунна дуккирчагу личийшиву дакьассар.

РАБИУЛЬ-АВВАЛЬ

Ххаришиврул мажлис

дайдихьу 1 лаж.

Чун ларгун, мусульман цакь хьуну, Аллагу Тааьланая амру ливкун, Идавсил ﷺ Макка лавсэсар махьунмай. Шагьрулул жамьатралгу, чан кьанссаннал личаннин Дин-Ислам кьамул дурссар. Микку ца Кьабул Зугьайр тисса шяир ивкиссар, ганиннин хьхьичи, Идавсия ﷺ оьккисса, му кьюкьин уллалисса шьэрирду ляхьан буллаи ивкисса. Макка лавсун махь му шяир увкиссар цавай ххаллилсса шьэрирду буллаи Идавсия ﷺ. Идавсилгу ﷺ, шьэрилухгу рязийну вичи дирхьуну, цалла хьарая аба (лаххия) дучан дурну дуллуссар Кьабул Зугьайрдун: мукунсса шьэрия ина бунан аьркинсса, куну. Мий бакьассагу, Абубакр Сиддикьул, Оьсман асхлаблул, Аьли асхлалнал бувайсса бивкиссар ххирасса Идавсихасса ﷺ шьэрирду. Гания махьгу исламрал хьунисса шайхтурал, аьлимтурал, имамтурал буссар хьинну ххуйсса шьэрирду ляхьан буну Идавсиха ﷺ. Цивпагу буссар инсаннал дакнил яла хьинмий, ххуймий лаваймий асардал вибувцусса, ккалай кьабитан кьашайсса! Жура чяруну дуккайсса, лакку мазраймур мавлудрал ахирданий бур укунсса махьругу:

**«Буслай бух кьалагайссар
Хавардал дянив ханни
Хавар лахьи бувсаксса
Ялунгу нахлуссари»,** – куну.

Вана вай ишру гьанулун лавсун чивчуссар мусульмансса шаэртурал ва цана жура дуккайсса Мавлудрал шьэригу. Цирдагу цал аьрабрай чир-

чуну диркиссар яла личи-личийсса мазурдийн таржума дурссар. Хьхьичива бивкиссагу, цанассагу хьунисса шайхтурал аьлимтуралгу, цаллагу дурккуну махьнахьгу мунил хьиншиву буслай буссар. Аллагу Тааьланал Цайнна иман дирхьуминнай ххюва бурж-фариза ялв бивхьуну бур. Мий щаллу буварча, Цувагу рязийну, жавабгу щаллу хьуну, Алжангу нясив хьунтиссар, куну



бур. Мий бакьассагу чявусса суннатсса затругу буссар жухьва бувсун, кьамулну мийгу буварча, дурсса эбадатгу камилну хьуну, Алжангу (жуйвагу рахиму буну, буххан банхьуву) чюлу буну, ххуй бувайссар. Мийгу суннатсса чакрур, зумардур, Кьурьан буккавур, зикри бишавур ва м.ц. Ялагу суннатсса затирттивун да-

гьайссар элму лахьлахьисса, зикри бихьлахьисса, салават рутлатисса ва м.ц. журалул мажлисирттай гьуртту шаву, щяиклаву. Му журалул мажлисирттаятуссари мавлуд дуклакисса мажлисгу. Муниву Кьурьан буккаву, салават рутаву, зикри бишаву дуссар. Идавсил ﷺ оьрму килушаву дуссар, ганахлу ххари шаву дуссар, Мархаба куну, Рухи хьуна дакьаву дуссар. Ялагу чяруссар Мавлудраву думур. Хасил, Аллагу Тааьла ва Мухаммад Расуллагь ﷺ рязий хьунсса, хьинсса мажлисри.

Хьхьичивасса хьунисса аьлимтурал, шайхтурал чивчусса луттирдаву бур мукунсса батлавурттал хьиншивруяту чявусса затру бувсун. Минуюту цаппарасса вайри:

Мавлуд дурккусса кьатлуин шинал мутталий бала кьаликкавур, шарнил жамьат бавтун дуккирча, щалва жамьат

Аллагу Тааьланал буручайссар, шинал мутталий барачат личайссар, ххаришиву диклайссар, чявусса мурадирттайн бийссар, кьатлуву, кьушливу хьиншивуртту гьарза шайссар, цайми бунагьсса мажлисирттай хьусса хатларду, бунагьру шюшайссар, даки марци шайссар оьккимий пикрирдаят, хлараммур баврияту

арх шайссар, ххуймур аьмал бунан ччан биклайссар, хьиривмур мукунмасса мажлисрайн хладур хьанан иклайссар, дирхьусса дукралия хьунмасса садакьа шайссар, щайтанийсса пикрирдал заллусса араманнал мукьурттила уккайссар, дуллалимур дузрайн дуклан диклайссар. Хасил, гьарца чулухагу му мавлуд дуккавириву мюнпат хьунмассар. Аьмал бумурди ляхьин тисса.

Мавлуд цурдагу, ци дунугу ца ххаришиву ялун дирну, залуннан, цанма ччиминнайну оьвкуну, ххаришиву дуван ччан бивкисса чумал дуккай жула. Арсан шар дуцлай, душ шар буллаи, архьсса аьрххилия увкун, кьатта машин лавсун, цусса кьатта буну, ца хьунмасса мурадрайн ивну, ягу ци-дунугу ца даву дай дишиннин хьхьичи м.ц. Амма Аллагу Тааьланал жуйва бивхьусса буржру-фаризарду щаллу кьабувна, мавлуд дуккавча куну, дуняллул мурадру бигьа хьурчагу, ахиратраву пайда кьабийссар. Ахират тирча дукьаркун кьадиклайсса, абадийсса жулла ватанни. Хьунмур ургил та Кьиямасса кьини, Рахмани Рахимсса, Ца Цувалусса, жува ляхьан бувсса Аллагу Тааьланал хьхьичи бавцуну дулун багьансса жавабрахи биклан аьркинсса. Буваймур аьмалгу Аллагначла кьамулсса хьуннав, Цува рязийну личансса хьуннав, ахиратраву жавабгу бигьа хьуну, алжангу нясив буннав цумацаннангу! Амин.

**НАГУ ЗУХА ДУАБЛИЙССА
ГЬУНЧИУКЪАТИРАЛ МИЗИТРАЛ ИМАМ
КЪУШИХЪАЛ ШАГЪАБУДДИН**



«Манакъибу МухАаммадия» тIисса луттиравасса мавлудру

ХъхьичIвасса заманнаву камилсса элму-кIулшивуртту дусса, тIайлану дин дурчIайсса, хъунисса ва маш-гъурсса аьлимтурал МухАаммад Идавс ﷺ дуняялдин уккаву хъун баву, мавлуд даву цукунчIавасса щак бакъа хъин чулий ккаккан дурну

дур. Мува куццуй, цIанасса чIумалгу мусульманнал дувайссар мавлудру. Мавлудру дуваншиврул цацIун батIайссар мусульман яхъанахъисса кIанттаву ккуранну дурну. Мавлудирттайн бавтIминнал Аллагъ ﷻ кIицI лаглай, Идавсия ﷺ буслай, щу-

кру буллай, диндалул ххуллу бугъан хIарачат буллай, хъамаллурайн овь-куну, садакъа бувну, дакIурдивусса ИдавсичIансса ﷺ ччаву загъир дурну, циняв мийжанныгу уссурвал кун-ма цацIун хъуну Идавс ﷺ ва му ув-са кынигу барзгу хъун бувайссар.

Исламрал аввалдания байбив-хъуну, хIакъинусса кынинин хъхьичIва-хъхьичI хъунисса аьлим-турал, хъирив цинявпагу мусуль-маннал Идавсил ﷺ мавлуд хъун давриву дур чIявусса хIикматру, далиллу ва хIуччарду.

Аллагънал ХIабибнаха
Эшкъи хъуну бухъурча
Мигъражирал хаварду
Бусанна, пикри бара.
Арулазарда шинал
Халкъ ляхъан буваннин хъхьичI
Цаняв зурриятирттал
ХIал Заннал ххал бувувкун,
МухАаммадул зарралул
ДакI личIийну ххал хъури.
Халикънаха аьшикъну,
Царал ччучлай ляркъури.
ХIабибнал дакIнивусса
Хасиятирахлуну
Цаманан къабуллусса
Мигъраж буллун, хъун уври.
Панасса дуняяллий
Халикъ ххал шайсса макъам
Му ХIабиб акъаманан,
ЩинкIуйгу къабуллури.
Лакхан халгъаьтирацал,
Алжаннул буракърацал
ХIабиб ссавруннайн уцин
Жабраил тIайла уври.
Шанашисса кIанттава
Изангу увну ХIабиб,
«Ина Аьришайн уцин
Гъан увссара» – увкуру.
Байтул-Мукъаддасливсса
Мизитравун ияница
Буракърай буртти ивкIун
Парнияр хъинну лавгери.
Байтул-Мукъаддасливсса
Мизитравун ивувкун
Цанявпагу идавстал
ЦацIун хъуну лавкъури.
Аллагънал амру бувну,
Идавстал рязи хъуну,
Му ХIабиб имам увну,
Цанявннал чакру буври.
Яла мичча ссавруннайн
Мусил чуртту бивхъуну
Я лакъинуксса хIаллай
Ссавруннайн ляхъан уври.
Алжаннул хIурулгъантал
ХIадур хъуну лавкъури,
Малаиктурал кьюкьри
Ххару бувну ххал хъури.
ХаликъначIан хъамалу
ХIабибуллагъ най ур тIий,
Мув ХIабибнах буруган
ЦацIун хъуну лавкъури.
ХIисав дуван къашиайсса
Ссавруннайсса аьралнал
ХIабибуллагъ хъун увну
«МархIабан» – кун, овькуру.
ХIурулгъантал аьшикъну,
Малаиктал хъиривну,
Арулуцинмур ссавгу
Къадиртун, лавай лавхъри.
Аллагънал Аьришайн
ХIабибуллагъ гъан хъувкун,
«Ссят хъинсса хъуннав»-куну
Жабраил махъун агъри.
«Ва ххирасса дакIнил дувс,
РахIман Аллагънал амин,
На рахIатну уссияв
Ина архIал уну тIий.
Укунсса кIанттавури

Гъалмахчу личIи шайсса,
Ца чансса кIанттаин ттигу
Лажинни, ачу» – кури.
«Тти цавагу ша ласун
Ттул макъам бакъар» – куну,
ДарицIусса чIути куна
Му Жабраил авсури.
Аллагънал къудратирал
Ххуйну дувсшиву дувну,
Раф-рафрай буртти ивтун
Аьришайн ляхъан уври.
РахIман Заннал Аьришайн
Аьжаивру ккакквувкун,
Аьришайн лагмава
Малаиктал ххал хъувкун,
Мунал хIал личIий хъуну,
Аькълу баххана хъувкун,
Абу-Бакардул суврат
Мув ссят хъхьичI дацIан дуври.
Ялагу ХIабибуллагъ
Хъинну рахIатну икIан,
Инсаннал хIисабирал
Заннал салам буллуну.
«МархIаба, ХIабиб» – куну,
Хъинну яхши-хаиш буври,

Мискинсса Вила лагънахъ
ХIабиб куну цIа чау
Хъамалушинна дури.
Цукуннугу Вил чIарав
На ияву кIул хъурча,
Завсса умматиннал
Ссайгъат тIалав байссари».
«Ттул гъалмахчув, МухАаммад,
Уммат ххирасса ХIабиб,
Мий вил завсса уммат
Ттул лагъартрихха» – кури.
«ХхуйцIалва чаклил чири
Чан къабувна чичайсса,
Гъар хъхъу-къини ххюва чак
Ссайгъатран була» – кури.
«На Ца ушиву кIулма,
Вийн инкаргу къадайма,
Цуксса аьсив хъурчагу,
Ххассал уванна» – кури.
Аллагънал ﷻ ляхъан бувсса
Махлукъат ккаккан буври,
Аьжаивсса элмулул
Мунал дакI дуцIин дуври.
Заннал гъалмахчув увну,
«Ссят хъинсса хъуннав» – куну

ДакI ганз хъу арамувурал
Мигъражирал хаварду
Щялуссару увкуру.
«Инава Идавсра тIий
Дягъви буллай ухъурча,
МукIру хъунсса мюгъжизат
ХIадур дува» – увкуру.
Ссаврундаяту ливккун
Зурул барашин дуври,
Канил бувгъусса чIучIрал
Мунаха тасбихI дуври.
Авлахърал хIайвантувурал
ХIабибнахъ гъалгъа буври,
Мув Идавс икIаврийну
Мурхъругу мукIру хъури.
Мюгъжизат-аьламатру
ХIабибнава дуркквувкун,
Къурайинал Абу-Жагъал
Мунаяту арх хъури.
«Аьбдуллагълул арс – ятим
Хан цанни итайсса» – тIий
Турду канил дургъуну,
ХIабибнайн ялун ххавхъри.
Жавгъарданул чурххирдал,
Чаннамирал дакIурдил
ХIамзат, Аьббас ккакквувкун
Къурайинал нигъа бувсри.
Иттату цIу-пар тIисса
АбутIалиб – багъадур
«Къаст дума ачира» – тIий,
Тур дурккун, хъхьичI авцIури.
АбутIалиб ивчIаница
ХIабибнайн ка къавицури,
АбутIалиб ивкIувкун
Абу-Жагъал тирх кури.
Иблислул хъирив лавгун,
Хантурайн кIура бавну,
Му ХIабибуллагъ ивчIан
Къурайштурал къаст дуври.
Халикънал ка бакъаву
АрхIалсса ХIабибуллагъ
Къурайштурал ттукрахъхъун
ИвчIан ирийиссарив?
Цинявпа ялун ххавхъун
МухАаммад ивчIанну тIий,
ХIабибнал къатрал лагма
Къурайштал цацIун хъури.
Заннал ссавнийн увцусса
РухIуллагъ Иса куна,
ХIабибгу акъа хъуну
Мий хъинну паишман хъури.
КъатIув уккайсса чIумал
Ца чансса аьрици лавсун,
Заннайн леххаву куну
Чапуртуврайх рирцури.
Аьрици къадагъсса инсан
ЦукIуйвагу къаливчIри,
Дагъцири шану лавгун
Му ссятрай гъапул лавгери.
РахIман Заннал шагъурдал
ХIикматшиву ххал бува,
Мув чIумал аьрици дагъмий
Бадрулий ливтIуссару.
Къурайштурал ахIмакътал
Леххаврий хъирив багъри,
Савру чайсса нуххулу
ХIабибуллагъ къолтI хъури.
Нухли хъулухун бувкIун
Хъхъилул ккунукру дуври,

Хъалчул къаттагу бувну,
Къарал бувну, бавцIури.
Леххаврий хъирив бувкмий
Нухли хъулухун биври,
«Вив цукIуй акъар» – куну,
Махъунмай кIура баври.
Сааьдат нясив бувсса
Мадиаллал вирттаварал
Маккалив му унува
Миннал машвара буври:
«Нажагъ ХIабиб учIарча
Кумаг буванну» – куну.
«Жула кулпат къабивтун
Му я уванду» – кури.
Савру чайсса нуххулу
Шанна хъхъу дурну мукъах
Абу-Бакар архIалну
Мадиалив авчури.
Маккалияту увкун
Гъижра мунал бувувкун,
Зунттал цаняв муруллал
Мунаха маоь буври.
Маккалал майданнавух
Мадиалив авчувкун
Суракъату-л-Мудлижсий
Мунал хъирив лавчури.
«Уруганда вих, сахIир,
Чув уххай ккакканна» – тIий
Айгъур чай буртти ивкIун
Суракъат хъирив лавгун.
Палва чурх хъама бивтун
ХIабибнайн цими хъуну,
Мув хъирив лавгърийну
Сиддикънал захIмат хъури.
«Аллагъ архIал уссарча,
Пикри мабара» – куну,
МухАаммадул увквувкун
Му Сиддикъ рязий хъури.
Мубараксса кIиссурттал
Чансса ишара дувну
Лякълулун биянин чу
Лухчичинил бугъан буври.
«Вийн леххаву» – увкуну
Суракъатлул овь кувкун,
ХIабибнал хIалимшиву –
Мунал чу буккан буври.
АцIния кIира къини
Сафарданай най бивкIун,
Итни къини ахттайнмай
Ми Мадиалив биври.
Сааьдат нясив бувсса
Мадиаллал жамааьт
Агълу-кулпатаирацал
ХIабибнал хъхьичIун бувкри.
Цанявннал хъул бивхъури
ХIабиб цацIана уцин,
Абу-Айнублул хъюву
Мунал варани ливкри.
Мадъян тIисса кIанттаву
Ххассал хъу Муса куна
Мадиалив ивувкун,
МухАаммад рахIат хъури.
МукъцIал азара инсан
Мунал асхIабтал хъури,
Мадиаллал агълугу
Цанявпа мютIий хъури.

ХIАДУР БУВССАР

АБДУЛЛАГЪ МУСЛИМОВЛУЛ



Дянивсса пардав дуркъун
НахIуну гъалгъа буври.
Хъхъу-къини ххуйцIалва чак
Умматрай ялув буври,
Цанявпагу хIукмурду
ХIабибнал баян буври.
Завсса умматиннал
Каши къашиай увкуну,
Ххюннийн бияница чакру
Ча тIий чан буван буври.
«Я лакъинуксса хIалдай,
Лухчичи-ссавгу къадиртун,
Хъхъуниву ялун увкIсса
Ина ттул хъамаличу,
Ххуйну хъамалу увну,
Рязийну тIайла уккан,
ДакIнийсса буси» – куну,
Халикънал гъалгъа буври.
«Гъалмахчувнал овь кусса,
ХIабиб, ина увкIувкун,
ДакI къамул хъунсса ссайгъат
ТIалав бува» – увкуру.
«На ляхъан увсса Халикъ,
Цаняв халкъуннал мягъбуд,
Жабраил тIайла увну
Вила чIарав увцуну,
Адамлул наслулуя

«ХIабиб» – куну, цIа дирзун,
Маккалив кIура аври.
Ттуру Синайрайн лавгсса
Мусаяр анаварну,
Цала шану бякъиница
МухАаммад ﷺ шавай иври.
Аллагънал къудратрайну,
Къадирнал хIикматрайну,
Арулазарда шинал
Ххуллу ца хъхъуну бивтри.
ДакI нурданул дурицуну,
Базурду чанна хъуну,
Чурх хIикматрал бувицуну
Мув ХIабиб кIура аври.
КIюрххил къатIув увкквувкун
Къурайштурайн овь куну,
Мигъражирал хаварду
Цинявпа мийнахъ бувсри.
РахIман Заннал хIикматру
КIицI лавгун, къуртал хъувкун,
Цува Идавс икIаву
Цанявннал загъир буври.
АсхIабтуралу имам,
Умматиндан ххирара,
Мигъраж тIайла баврийну
Абу-Бакар ххуй хъури.
Хачлиха къуллузгъ бувну

Цуссалакрал шяравусса мадраса

Гъашину сентябрьданий бай-бивхьуну Новостройрайсса Цуссалакрал шяравусса мизитраву зий бур мадраса. Гиву дуклай бур аџа мутааб-лим. Гайнनावу чявуми лакку оьрчIру бур.

Мадрасалуву дуклакисса оьрчIру кIюрххил лагайссар школалийн, гичча бучIайссар яла мадрасалу-вун, Мадрасалуву дуссар украса дукра, утубишинсса кIану, гьарца кьини ахтакьунмай сьят 6-нния мяйра хьуннийн лагайссар спортзалданувун, спортрах машхьул хьанан. Гиву гайннахь дишайссар чIатIаракI ритаврил дарсру, бувайссар гайннашал ялагу гиву личIи-личIисса спортрал тIуркурду. Гьарца кьини гайннахь мадрасалуву бикIайссар продленка, буссар ялув бавцIуну школалий дуллусса дарсру лахьхьин оьрчIан кумаг буллалисса учительница. Мукунна, гиву дишайссар оьрчIахь Кьурьан буккаврия ва лакку мазрал дарсругу. Цуссалакрал шяравусса мадраса тIивтIуссар Дагъусттаннал Муфтиятрал ва цаппара лакрал шяраваллауусса имамтурал кумаграйну, хаснува Цуссалакрал райондалул имам Давуд-хIажи Амировлул хIарачатрайну. Мадраса тIитIаврил мурадну хьа-

нахьиссар цалчин жула лакрал яла цайминналгу исламрал элму лахьхьиншиврул. ХIакьинусса кьини жунма чIалачIисса масала бур лакрал миллатраву дин хьинну хьхьарану душиву. Бакьар шяраваллаву имамтал, хIатта инсан ивкIукун тIайлану Кьурьан буккин кIулсса инсанталгума.



Хьуна бакьай ца-ца чIумал оьрус хIарпирдай «Ясин» булакисса инсанталгума. Му хьуннасса кьюкьала дур. Жува аьркинни мунил ялув хьинну пикри буван. Дагъусттаннай дин утгара дуван аьраб

буккIсса чIумал, Ислам цалчин лакрал кьамул дурну дур. Буттахьал заманнай инсан ивкIуну ганал рухIирая шанма гьантлул дянив щала Кьурьан буккайсса бивкIун бур, кIия шама инсаннал ярглий гьатгачIа шябивкIун. Мукунма Гьумук бивкIун бур кIия уссу, ца-ца чIумал Рамазан зуруй

равусса мадрасалуву дишайссар лакку мазрал дарсру. Цанчирча жула миллатрал тарих бавхIуну бунутIий диндалушал. Чявусса инсантурал хиял бикIай оьрму ххуйну бутан, ххуйсса инсан хьун. Мунил цIаний инсан хIарачат буллан икIай шайссаксса элму дуккин, пиша лахьхьин. Амма гьарзатраву яла хьинмур хьусгу, ххазинагу-му дур дакIнил аваданшиву. Му дайдишайссар Аллагь ﷻ ххира шаврийну, цала дакIниву ва аьмаллаву мусульманчувनावу дикIан аьркинсса хасиятру ва тIабиаьтру хьун даврийну. Ва дунияллий буссар кIива ххуллу: цIансса ва чаннасса. Цансса ххуллу – му иман дакьашивур. Мукунсса инсаннан ци хьус дунугу, ци кьуллугьрай унугу бакьассар талихI. ХIатта «Акбарданул» чIу бавукунгу, иман дакьаманан дуссар хьуннасса аьзав. Чаннасса ххуллу – му Исламрал ххуллур. Мукунсса инсан мискинну унугу, лахьсса кьуллугьирттай акьанугу, буссар талихI. Ганан Аллагьнахсса ﷻ ччавриха хIисав кьашайссар оьрмулул захматшивуртту ва оьккимур. Умуд бур вания гихунмай укунсса мадрасартту Аллагьнал ﷻ кумаграйну Лакрал ва Ккуллал районнайгу тIитIинсса тавпикь жухьхьунна дулунссар тIисса.

КЬУРБАНИСМАИЛ АМИРОВ

ИДАВСТУРАЛ ИРС

Аькьилсса бусаларду

Гьарзадраву хьуншиву

МухIаммад ибн ХIанафиял ва ХIасан ибн Аьлил ﷺ дянив хьун дакьасса кьалмакьал хьуну диркIун дур. Муниар махь ибн ХIанафиял гьан бувну бур ХIасаннучIан укунсса чагьар: «Аллагу Таабланал ина



ттуяр гьарзадраву хьун увну ура... Вил ниттил цIа дур ФатIима – МухIаммадлул ﷺ душ. Ттул нину – ХIанифа тIисса тухумравасса хьамитайпа бур. Вил ниттил ппу – Аллагьнал ﷻ гьан увсса Идавс ﷺ ур. Ттул ниттил ппу – Жаьфар ибн Кьайс ур. Ва чагьар вичIанма бивукун, ттучIан увкIун дакьил хьу, вил хьуншиву ттуяр гьарзадраву дикIаншиврул, цанчирча, хьхьичI дакьил хьун увкIманан чири хьунманутIий». Ва чагьар цачIанма бивукун, мугьлат бакьа ХIасан цала диндалул уссичIан лавгун мунашал дакьил хьуну ур.

«Сувару мин хIаяти ттабиин»

Дунияллул ва ахиратрал паччахI

МухIаммад ибн Васиьлул Басра шагьрулул мизитраву бувайсса мажлисуру бивкIун бур элму-кIулши ласун ччиминнан ва аькьилсса насихIатрах вичIи дйшин ччиминнансса даруну.

Мукунсса ца мажлисраву ца адаминал миннат бувну бур МухIаммадлухь:

– Тгун ца насихIат бувакьай, – куну.

Ибн Васиьлул куну бур:

– Ина икIу ва панасса дунияллул ва даинсса ахиратрал паччахIну.

Суал буллума махIаттал хьуну ур:

– Цукунни ттуца бюхьантIисса дуниял-ахиратрал паччахIну икIан?



МухIаммадлул куну бур:

– Ва дунияллуву думуния вила дакI марцI дува, халкьунначIа думунийн тамахI мабував – ина икIантIиссар дунияллул паччахIну. Мукун буварча, ина икIантIиссара ахиратрал паччахIнугу, Аллагьнал ﷻ винма хIадур бувсса ажру-чири лавсукун.

«Сувару мин хIаяти ттабиин»

Нагь ва ччатI

Мусульманнал халиф Валид ибн Аьбдулмалик ивкIун ур хIаж буллая. ХIажитал Аьрафалия бавчукун, муна хьуна авкьуну ур Салим ибн Аьбдулагь. Му ивкIун ур машгьурсса табиин (асхIабтурал хьиривсса ник). Салим ивкIун ур хIажлив лаххайсса янна



– ихIрам ларххун. Халифнал хьунмасса хIурматрай мунахьхьун ссалам буллуну бур. ИхIрамраву чIалай бивкIун бур Салимлул чурх хьинну бюхттулсса бушиву. Ганаяту ца аьжаивсса гуж наниса кунма чIалай бивкIур бур.

ХIайран хьусса халифнал цIувххуну бур:

– Вил чурх бюхттулсса бур, ина ци дукара?!

– Нагьлихун ччатI букара, ца-ца чIумал духьурча дикIгу дукара, – куну бур Салимлул.

– ЧчатI ва нагь?! – махIаттал хьуну ур Валид, – вин мудар ми канан ишттахI бикIайрив?

– Нагьлих ва ччатIух ишттахI бакьаьбурча, на ккашил хьуннин аџара, ккашил шайхту ишттахI бикIай, – куну бур табииннал.

«Сувару мин хIаяти ттабиин»

ЛухИ явш

ХІадисраву бувсун бур МухІаммад Идавсил ﷺ увкушиву: «ЛухИ явш дарувссар гьарца азаруннин так ца бивкІу личІаннин» (аль-Бухари)

Ва ххяххиялул ца учайсса чІумал цумур миллатрал маз бухьурчагу, «лухИ» тІисса махъ ишла булдай бур, ванил гьаннарал рангирал цІаний. ЛухИ явш ххяххайссар хьунмурчІин магърибуллал билятирттай, Азиянаву, цаппара Европал хІукуматирттай, Ккавказрай ва Африканаву.

ЛухИ явш хъанахъиссар жула буттал-буттахъал заманная шинмай дарувну ва дукра дакъин дувайсса аьнтшивуну. ЧІявучин лухИ явш ишла бувайссар ччатІ шахъайсса чІумал. Му бакъ-ассагу, лухИ явш бичайссар нацІусса дукрардавунгу, масала Дагъусттаннай чІявуну бувайсса натІухІравун. Гьарцагу чІумал лухИ явшрал гьанна ишла бувайсса бивкІссар дарув хІисаврай. Мунин хас бувса чІявусса луттирду бахлай бур хІакъинусса къини, хаснува исламрал тучаннаву. Муниву яла ххирамур – дукра лялиян даву ххуй даву ва лякълул цІуцІавуртту хъин даву-

ри. Гьанна ишла бувайссар къюкІлил цІуцІавуртту хъин дуван, аьвкъу-гъели хъусса чІумал, бакІ цІун бивкІукун ва ччаруллал цІуцІавурттан. Мукунма, лухИ явшрал хъин дувайссар бурчул цІуцІавуртту, лахъисса хІаллай хъин къахъанахъисса щавурду. Мудан дукралувун лухИ явш ишла бувайманал хъунав хъусса оьрмулувун

ияннин аькълу ва янин чани зия къашайссар тІар. ЛухИ явш бивчуну бувсса ччатІуя нанисса кІирисса ссихІирал кумаг бувайссар бакІ хъин буван. ЦІарайх бувсса гьанналул ссихІирал шяра хъин дувайссар. ОьрчІан ккукку буллалисса хъаннил дукралувун лухИ явш бичларча, накІ гьарза шайссар.

Янин чани ххуй буван ччисса чІумал бучІиссар лухИ явшрал гьанна мюрш бувну, ирисрал нагъливух хІала бувну, му дарурайн ссунтІа тІун.

Ца хъхъунусса лухИ явшрал гьанна уксусраву бивхъуну, яла гьавуну ссунтІа тІурча, мунил хъин дувайсса дур хронический бакІрал цІуцІаву ва лажиндарал паралич. Гай гьанна бивкІсса уксугу ишла дуван бучІиссар чурххал бурчуйсса щавурду, ччуччисса кІанттурду хъин буван. ЛухИ явшрал гьаннарал нагъ хІачІларча кумаг шайсса бур астмалун. Му нагъ бакІрайх дукларча, чІарарду къатІ хъун къадитайссар ва кІяла чІарарду чан шайссар. ЛухИ явшрал чайлул нерварду паракъат дувайссар. Шану бакъашиврул увгъуну ухьурча, утту ишиннин ца къуса гьаннарал гьаруну, ницІавух хІала дурну дукайссар.

Ччаруллаву ва пурпуххилулу чарту хъуну бухьурча, лухИ явш ва ницІ кІирисса щинавух хІала дурну хІачІлан аьркинссар.

ЛухИ явшрал гьаннарал ва мунил нагълил инсаннал иммунитет гужну цІакъ дувайссар.

ХІАДУР БУВССАР АІХМАД АЬЛИШАЕВЛУЛ



МЯЪРИПАТ

Дусшиву даврил адабру

Гьарца инсан дуняллий цайва цува ялапар къашайхъувкун, цаманащал гьалмахчувшиву, уссушиву къадурну, дукавриву-давриву, агъавриву-изавриву, ивчІавриву-уккавриву, гьарца дуняллул иширттаву мунан лайкъ-ссар диндалул уссурвавращал гьалмахчувшиву дуван, гьалмахтал, дустал чІяву буван. Миннаяту цанмагу, цаятува миннангу дуняллийгу, ахиратлувугу мюнпат биян буваншиврул. ХІатта, архсса шагърулий цана кІулсса адамина уссу куна чІалан икІайссар. Диндалул уссурвал, гьалмахтал чІявуссаксса, дуняллийгу мюнпат хъунмассар.



Гьалмахчувшивугу щищал-дунугу дуван къабучІиссар. Аькълу камилсса, салихІсса, табиаьт ххуйсса, хиянатшиву дакъасса, тІайласса, чувшиву дусса, дуняллий хъул лахъи бакъасса адаминащал дакъа къадувайсар. Аькълу бакъана, ахІмакъсса инсаннащал гьалмахчувшиву даву къахъинссар. Мунаяту зарал бакъа, хайр къабиянтІиссар, ччяни гьалмахчувшивугу къукъайссар. Аькълу бусса душман хъинссар, ахІмакъсса гьалмахчувнияр. Душманнаяту цал уруччирча, гьалмахчувнаяту азарийла уруччин аьркинссар. Табиаьт оьсса инсаннащалгу дусшиву даву къахъинссар. Мунаща, цалва чурххай цащара заллушиву дуван къашайссар, сситтучІа ссавер дакъассар, махъ оьссар. Пасикъсса, хиянатшиву дусса инсаннащалгу къахъинссар. Мунал цалва аьмалданийн кІункІу увайссар. Дуняллий хъул лахъисса инсаннащал даву къахъинссар. Цувагу мунал табиаьтрайн лагайссар. Табиаьт цуркури – кІуллагу дакъана табиаьтрал, табиаьт дарцуну, мунал диндалийн лавгун лякъайссар. Щялмахъ бусайманашалгу къахъинссар. Мунаяту зарал хъунмассар. Мунахъ цалва къюлтІсса зад бусан, вихшала дишин дакІ къадияйссар.

Агъсса, къадарсса чувнащалгу дусшиву даву къахъинссар, мугу цува захІматшиврувун агъувкун, къаивтун лихъайссар. ХІакъсса гьалмахчувнал цалва чурххан захІмат, зарал бувну гьалмахчувнан мюнпатмур бувайссар. Дин дакъасса инсаннащалгу дурнурагу къахъинссар. Цувагу аьйкъуну лявкъуну пашман шайссар. Гьалмахчувнан, гьалмахчувнай ялвусса хІакъругу вайри: му уний, акъаний, мунал хъуслих, кулпатрах уругавури. Мунан аьркин хъумур чІумал цалламур дулавури. Мунал даймунищІун ка бакъавури. Мунал аьркинмур барт дигъавури. Мунал миннат къамул бавури. Мунал оьккимур, оьмур, къюлтІмур кІучІ бавури, ххуймур, хъинмур загъир бавури. Халкъуннаву муная ца давури. Къаччан бикІан къабавури. Бувсмуних вичІи дишавури. Мунал ялун нанимур байщун бавури. НасихІат бусавури. Ххуймур кІул бавури. Цанма ччимур ганангу ччай, къаччимур къаччай икІавури. ДакІнийсса бусавури. Бувсмур ябавури. Цаннаха цаннал дуаь чІяруну давури – ивчІаннингу, ивкІуну махъгу. ХІасил, динсса кІия уссил, хІакъсса кІия гьалмахчувнал масала кІира каниха лавхъуссар: цаннил ца шюшлай, марщІ дуллалисса. ТалихІ бусса инсаннан, гьалмахчув тІайласса бакІрайн агъаву хъунмасса неъматри.

ХІАДУР БУВССАР «НАСИХІАТУЛЬ АЬВАМ» ТІИССА ЛУТТИРАЙН ЧУЛ БИВЩУНУ

Васият баврия

Васият бувансса каши-къувват дусса, ивкІуну махъ варистуранссагу, васиятранссагу хъус дусса инсаннал васият баву ссуннатссар, цуксса чансса барчагу.

Хаснува, къашайманал барча хъиннува хъинссар, Аллагънал ﷻ цІими гьарза шайссар. Сагъну уна, къашай хъуннин бавугума хъинссар. ХІатта, хъхъувай утту ишайний цалва васият-аманат чивчуну бакІралу бишинссар, кІюрххилнин ивкІуну къабувна къаличІан. ХІатта, васият къабувна ивкІусса инсан хІатталлив лавсун бавчукун, хІатталлул агъулланул мунайн нааьна дуллан бикІайссар, тІар. Васият бувну ивчІарча аьпа бувайссар. Цайва хІакъ ливчІсса ухьурчарив, му хІакъ тІайла буккира куну, васият буван чара бакъа аьркинссар. Масала: къабуллусса закат ливчІсса ивкІун, бюхълай бунува хІаж къабувсса ивкІун, цаман инсаннащал дархІусса ялуршин дусса ивкІун. Ми ялуршиннарду тІайла дуккангу, васият щаллу бувангу, мюрщисса оьрчІру бусса ухьурча, миннал иширттах уругангу ца вакил увну, мунахъ бува учавугу хъинссар, суннатссар. ИвчІаннин вакил хІадур увну акъахьурча, ивкІуну махъ имамнал, къадиал итайссар. Цала хъуслива шанма бутІул ца бутІуяр ххисшаласса хъус васият давугу къахъинссар.





Янна лахлахиний хъхьичІ цумур ларххун хъинссар?

Цал хъухъа яла хІажак лаххаву – идавстурал суннати. («МафатихІул жинан»).



Цуксса хІарачат буварчагу, ттуща бюхълай бакъар кІюрххил чаклин цила чІумал изан. На ци буварча хъинссар?



КІюрххил чаклил чІун хъинну захІматсса чІунни. Идавсил увкуссар: «Мунафикънан яла захІматмий – кІюрххил чак ва хъатІан чакри. Амма миннан кІулссания миннухлусса чире цуксса буссарив, ми ххярк тІий чаклийн бачинссия» (Имам АхІмад).

Дунияллий ва ахиратраву Аллагънал ﷻ хъхьичІсса цала тагъарданул ялув авцІудса инсаннал ва хІадис къулагъас къадурну къакъабитантІиссар. Мунал шайкун хІарачат буллай, личІилчІисса сававру ишла дувантІиссар кІюрххил чак чІумуй буваншиврул. Масала, гъунтгий даврил иширай Москавлив най уну, самолет кІюрххил ссят 6-нний леххантІиссар учирча, мунийн чІал къахъун ччимагу изанссар кІирашанна ссятрал хъхьичІ. Циванни самолетрайн чІал хъун нигъа усайма чак личІан буван нигъа къаусайсса! Ца мажлисрай жула

Муфтий, шайх АхІмад хІажи Абдуллаевлул увкуна кІюрххил чаклил чІумуясса суал буллувкун: «На зухъ ччяни бизияра тІий акъара, на ура зухъ ччяни утту билухъияра тІий», куну. КІюрххил ччяни изан ччима хъхъувай чІумуй утту ишин аьркинссар. Утту ишайни чаклин иссурча, утту ишайни дуккайсса дуьртту дуккирча хъинссар. ДакІнихтуну марцІсса ният дуван аьркинссар кІюрххил чаклийн изан. Будильник дихълай ухъурча, му инава шанашисса кІанттая архну дишайссар, лещаншиврул изан багъаншиврул. Утту ишинни хъхьичІ кІусса дукра къадукарча хъинссар. Гъанттайнсагу ччяни дукарча кІюрххил изан бигъану бикІантІиссар. Яла агъаммургу – чІявуну тавба дуллан аьркинссар, цанчирча, жува кІу буллалиссару жулва бунагъирттал. Бунагъру чІяву хъусса чІумал Аллагънаха ﷻ эбадат дуван захІматну бикІайссар.



Щар хъусса хъамитайпалун зума дугъан къабучІиссар ласнал ихтияр къадулурча тІий бавссар. Му тІайлассарив?

Абу Пъурайрал бувъсса хІадисраву увкуну бур: «Лас усса чІумал щарссанин къабучІиссар зума дугъан мунал ихтияр къадулурча» (аль-Бухари). Ва хІадисравун багъайссар суннатсса зума дугъаву. Рамазан зуруй дугъайсса фаризасса зума ягу хъирив лахъан дуллалисса фаризасса зума дугъан аьркинссар чара бакъа. Рамазан зурул зумарду дугъан ягу хъирив лахъан дуваншиврул хъамитайпалун ласная ихтияр ласун аьркиншиву дакъассар. Ласнангу къабучІиссар щарссанихъ фаризасса зума мадугъара учин, цанчирча, му гъарца мусульманчувнал бурж бунутгий.



БучІиссарив хъаннин чак къабуллалисса гъантрай тІарикъатрал вирд щаллу дуван?

Вирд дуккин бучІиссар, аммарив «альІам» ва «къулгъу» буккин къабучІиссар. РабитІалувугу увтазтал укунманияр чансса архну битанссар.



БучІиссарив хъамитайпалун ниттиуссил хъхьичІ бакІрай карщи дакъа занан?

Циняв гъан-маччамий бикІайссар кІива журасса – махІрамтал ва махІрам бакъамий. МахІрамтуравун багъайсса арамантал бусса кІанай хъамитайпалун бучІиссар карщи къадуган. Ниттиуссу ва буттауссу махІрамтал хъанахъиссар.



Аллагънал ﷻ, идавстурал цІарду зумух ласайхту ци учайссар?

Аллагънал ﷻ цІа учайхту «субхІанагъу ва тааъла» учайссар, МухІаммад Идавсил ﷺ цІа зумух ласайхту салават рутайссар «саллалагъу аьлайгъи ва саллам» ягу «аьлайгъи-с-салату ва-с-салам» увкуну. Цайми идавстурал цІардал хъирив «аьлайгъи-с-салам» учайссар. АсхІабнал цІа учайхту «разияллагъу аьнгъу» учайссар. ТІарикъатрал шайхнал цІа учайхту «къуддиса сирругъу» учайссар.



МухІаммад Идавс ﷺ макІра ккаккарча бучІиссарив му макІ щихъ-бунугу бусан?

Идавс ﷺ макІра ккаккаву – дунияллулгу ахиратралгу талихІри. ХІадисраву увкуну бур: «На макІра ккаккманан мйяжаннугу ккаккантиссара» (аль-Бухари) Ххуйсса макІ духъурча,

му вина ххирасса ва инава ххирасса инсаннахъ бусан бучІиссар. Оьккисса макІ ккаккарча, му щихъчІав къабусайссар, куямур чулинмай шамилва пувгу увкуну «Аоьзу биллагъи мина шайтанир-ражим» учайссар.



Янналул яла хъинмур ранг цумурди?

Янналул яла ххуймур ранг кІяламурди, му хъанахъиссар идавстурал ва салихІинтурал янналул ранг. МухІаммад Идавсил ﷺ хІадисраву увкуну бур: «Зу кІяласса янна лаххияра, ливтІуминнал суругу кІяласса янналия бувар», – куну. Ялагу Идавсил ﷺ диркІссар щюллисса рангирал лаххиягу. Мунияту, щюллисса ранг дусса янна

лаххавугу суннатссар. Щюллисса рангирах ургаврил янил чанигу ххуй бувайссар. Арамтуран ятІулссагу хъахъиссагу личІаннин цамур рангирал янна лаххангу бучІиссар. Хъаннин шаппасса чІумал ччимур рангирал янна лаххан ихтияр дуссар, амма къатІув буккайний арамтурал я къабацІансса рангиралсса лаххан аьркинссар. («МафатихІуль жинан»).



На даврия чІалну шаппай бучІара, мунияту шанма чак бакъа къабувсса къинирду шай. Ва иширава цукун буккайссарив кІул хъун ччива.

МухІаммад Идавсил ﷺ хІадисраву увкуну бур: «Ва дунияллуха зузи зува ший цуксса хІаллай личІан тІий бурув, ахиратраха зузи зува гиву цуксса хІаллай бикІан тІий бурув. Ва хІадисрайну жунма чІалай бур даврил цІаний чак къабитан цукунчІавсса ихтияр дакъаашиву. Чак буван ччиманащца цукунсса даву духъурчагу, 5-ра минут льякъин

хъунтІиссар. ЦукунчІав чак буван сант къашайса даву духъурча, му къадиртун, цамур ххал дуван аьркинни. Мукунгу къабюхълай, даву къадитан хъанай бакъахъурча, шаппай бучІайхту шайкун анаварну хъирив лахъанссар. Мукун бувсса чак бувссар тІий чичинссар, иншаАллагъ, амма къамул буваншиву щак бур, чиригу къахъунтІиссар».

Рузнама

Январь

Къини	КІюрххил чак	Баргъ букваву	Ахттайн чак	Ахттакъун чак	МаркІачІан чак	ХъатІан чак
1	05:37	07:19	11:55	14:09	16:28	17:58
2	05:37	07:19	11:55	14:10	16:28	17:58
4	05:37	07:19	11:56	14:12	16:30	18:00
6	05:37	07:19	11:57	14:13	16:32	18:02
8	05:37	07:18	11:58	14:15	16:34	18:04
10	05:37	07:18	11:59	14:17	16:36	18:06
12	05:37	07:17	12:00	14:19	16:39	18:09
14	05:36	07:16	12:01	14:21	16:41	18:11
16	05:36	07:15	12:01	14:23	16:43	18:13
18	05:35	07:14	12:02	14:25	16:46	18:16
20	05:34	07:13	12:02	14:27	16:48	18:18
22	05:33	07:12	12:03	14:30	16:51	18:21
24	05:32	07:10	12:04	14:32	16:53	18:23
26	05:30	07:08	12:04	14:34	16:56	18:26
28	05:29	07:07	12:04	14:36	16:59	18:29
30	05:27	07:05	12:05	14:38	17:01	18:31

Рекомендовано каноническим отделом Муфтията РД для г. Махачкалы

ХХИРАССА БУККУЛТ!
ДАЙДИРХЪУССАР 2016-КУ ШИНАЙНССА"АС-САЛАМ"
ККАЗИТРАЛ ПОДПИСКА.
ККАЗИТ ЧИЧИН ХЪУНТИССАР ЧЧИМУР ПОЧТАЛИЙ
ВА МУКУНМА ГЪАРЦА РАЙОННАЙССА ЖУЛ
ВАКИЛТУРАЙХЧИИ.
ККАЗИТ ЧИЧАВРИЛ ВА БИЯН БАВРИЛ ХІАКЪИРАВУ
ОЬВЧИН БЮХЪАНТИССАР ВАЙ НОМЕРДАЙН:
8-928-250-36-66, 8-988-264-56-58